



INSTITUTO GALEGO DE
ESTADÍSTICA

INFORME SOBRE COMERCIO EXTERIOR

Xaneiro 2018

Santiago de Compostela, 21 de marzo de 2018

Instituto Galego de Estatística
Complexo Administrativo San Lázaro s/n
15703 Santiago de Compostela (A Coruña)
Contacto: <http://www.ige.eu/web/peticioninfo.jsp>
Teléfono información: 981.54.15.89 (de 9:00 a 14:00 horas)
FAX: 981.54.13.23
Páxina Web : <http://www.ige.eu>

1. PRINCIPAIS RESULTADOS

A taxa interanual das exportacións galegas en xaneiro de 2018 é do 34,5% e no conxunto do Estado do 6,5%.

As exportacións de “Materias téxtiles e as súas manufacturas” e de “Vehículos automóbiles” son as que teñen unha maior repercusión positiva na variación interanual.

As importacións descenden con respecto a xaneiro do ano pasado un -2,8%, debido fundamentalmente á diminución nas importacións do grupo de “Materias téxtiles e as súas manufacturas”. En España as importacións increméntanse un 8,9% en xaneiro.

Cadro 1.- PRINCIPAIS RESULTADOS. AVANCE DE DATOS

	Exportacións/Expedicións		Importacións/Introducións		Saldo ⁽¹⁾	Taxa de cobertura (%) ⁽²⁾
	Miles de euros	Variación igual período ano anterior (%)	Miles de euros	Variación igual período ano anterior (%)	Miles de euros	
XANEIRO 2018						
Galicia	2.087.007	34,5	1.673.483	-2,8	413.524	124,7
España	22.829.628	6,5	26.765.037	8,9	-3.935.409	85,3

Fonte: Ministerio de Economía, Industria y Competitividad

(1) Saldo = exportacións - importacións

(2) Taxa de cobertura = exportacións/importacións x 100

2.- DATOS POR PRODUCTOS

Exportacións

Neste primeiro mes do ano 2018, en Galicia, as exportacións increméntanse un 34,5% respecto a xaneiro de 2017.


Os produtos con maior repercusión positiva nas exportacións de xaneiro foron as “Prendas de vestir, non de punto”, que representan un 20,2% do total de exportacións galegas e repercuten en 12,9 puntos. Destacan tamén os “Vehículos automóbiles; tractores” que son un 23,1% do total das exportacións galegas e suman 7,2 puntos á taxa total e as “Prendas de vestir, de punto” (6,9 puntos). O grupo dos “Materias téxtiles e as súas manufacturas”, polo tanto, repercute en 19,2 puntos sobre o total das exportacións neste mes de xaneiro de 2018 e representa o 33% do total das exportacións galegas do mes.

Pola contra, os produtos con maior influencia negativa son os do grupo dos “Produtos das industrias químicas ou das industrias conexas” que supoñen un 2,7% das exportacións totais e presentan unha taxa de variación interanual negativa de -18,0%; dentro deste grupo, os “Produtos químicos inorgánicos” teñen unha repercusión de -0,7 puntos no total das exportacións e os “Outros produtos químicos” de -0,6 puntos.

(gráfico 1).

Gráfico 1. Exportacións

Principais achegas á taxa do total en %




Importacións

Os produtos que máis positivamente influíron nas importacións en xaneiro foron as "Conservas de carne ou pescado" (2,4 puntos) e, xa en menor medida, as "Manufacturas de fundición, ferro/aceiro" e as "Máquinas e aparellos mecánicos". Pola contra, a maior repercusión negativa atopámola nas "Prendas de vestir, non de punto", que cun peso do 3,7% sobre o total das importacións e unha taxa de variación do -39,3% con respecto a xaneiro de 2017, repercute este mes en -2,3 puntos na taxa das importacións galegas, seguida polas "Prendas de vestir, de punto" que repercuten -1,7 puntos.

(gráfico 2).

Gráfico 2. Importacións

Principais achegas á taxa do total en %



3.- DATOS POR ZONAS XEOGRÁFICAS

En xaneiro, as expedicións dirixidas á UE-28 (83,6% do total) presentan un aumento interanual do 45,8%, debido fundamentalmente ao aumento das vendas a todos os países cos que o peso do comercio é significativo. Destacan especialmente Francia (país ao que van dirixidas o 21% das nosas exportacións) e Portugal (14,1% das exportacións) que presentan unhas taxas de variación interanuais do 37,1% e 40,1% respectivamente. No caso das introducións da UE-28, que este mes de xaneiro de 2018 representan un 54,5% do total, prodúcese un incremento do 1,3% aínda que presentan datos negativos algúns dos nosos principais compradores coma Alemaña, Francia e Portugal.

Con respecto ao resto de países, cómpre destacar o aumento das exportacións cara a MERCOSUR e América Latina e o descenso de exportacións cara a Asia. Nas importacións destaca o incremento das compras a Asia e OPEP así como o forte descenso das importacións de MERCOSUR e América Latina.

COMERCIO EXTERIOR POR ORIXE/DESTINO XEOGRÁFICO. XANEIRO 2018. AVANCE DE DATOS

Zona/país	Exportacións/expedicións			Importacións/introducións		
	Miles de euros	% total	Variación igual período ano anterior (%)	Miles de euros	% total	Variación igual período ano anterior (%)
Total	2.087.007	100,0	34,5	1.673.483	100,0	-2,8
Zona Euro	1.371.375	65,7	38,8	822.264	49,1	-1,9
UE28	1.745.594	83,6	45,8	911.642	54,5	1,3
Alemaña	137.955	6,6	35,9	46.967	2,8	-10,8
Bélxica	101.209	4,8	88,7	11.855	0,7	3,7
Francia	439.069	21,0	37,1	518.171	31,0	-1,5
Grecia	43.685	2,1	62,4	770	0,0	64,2
Irlanda	23.690	1,1	36,5	2.374	0,1	16,2
Italia	187.937	9,0	38,1	58.284	3,5	28,8
Países Baixos	85.616	4,1	21,5	17.478	1,0	1,2
Portugal	293.961	14,1	40,1	142.602	8,5	-13,1
Reino Unido	177.962	8,5	79,0	53.133	3,2	190,8
Suecia	21.373	1,0	28,4	4.829	0,3	1,8
Polonia	81.604	3,9	104,7	8.315	0,5	15,6
Romanía	23.726	1,1	51,5	3.492	0,2	-64,9
OCDE	1.828.440	87,6	39,1	1.100.077	65,7	5,0
Estados Unidos	38.910	1,9	-26,0	55.262	3,3	288,3
Turquía	33.907	1,6	12,8	29.986	1,8	-39,7
México	14.857	0,7	-16,5	59.698	3,6	2,8
Marrocos	43.648	2,1	-23,7	34.980	2,1	-10,0
ASIA	66.940	3,2	-11,6	324.562	19,4	14,9
China	12.791	0,6	-13,1	139.343	8,3	26,0
Oriente Medio	20.873	1,0	-11,6	43.358	2,6	534,2
Indonesia	1.797	0,1	-3,8	59.509	3,6	-17,8
OPEP	23.622	1,1	-11,8	136.349	8,1	7,8
MERCOSUR	31.508	1,5	187,7	22.699	1,4	-30,3
América Latina	82.930	4,0	31,4	122.530	7,3	-40,7

Fonte: Ministerio de Economía, Industria y Competitividad

(1) A partir de xaneiro de 2018 Guinea Ecuatorial pasa a formar parte da OPEP

(2) A partir de xaneiro de 2018 Venezuela deixa de formar parte do MERCOSUR


4.- INFORMACIÓN POR COMUNIDADES AUTÓNOMAS

O peso de Galicia no conxunto de España, en xaneiro de 2018, ascende ao 9,1% no total de exportacións e ao 6,3% nas importacións, e presenta unhas taxas de crecemento con respecto ao mes de xaneiro do ano pasado do 34,5% e do -2,8% respectivamente.

O incremento das exportacións en España no mes de xaneiro (6,5%) ven explicado principalmente pola evolución positiva de Galicia e Cataluña e, xa en menor medida, País Vasco e Comunidad Valenciana. Na outra banda, a comunidade coa aportación máis negativa con respecto ao mesmo mes do ano anterior foi Asturias, seguida de Murcia, Andalucía e Castilla – La Mancha.

En canto ás importacións, o incremento do 8,9% no conxunto do estado débese principalmente aos incrementos nas taxas de variación de comunidades autónomas como Cataluña, Madrid e Comunidad Valencia que presentan taxas de variación arredor do 13% e repercusións superiores a un punto.

Gráfico 3. Comercio exterior por Comunidades Autónomas
Xaneiro 2018. Principais achegas á taxa do total en %




5.- EVOLUCIÓN DO COMERCIO EXTERIOR EN GALICIA

Na análise temporal en ciclo-tendencia do comercio exterior de Galicia, obsérvase unha tendencia positiva desde finais de 2014, cun elevado crecemento nos últimos meses.

No perfil das importacións, obsérvase unha tendencia ascendente durante o ano 2016 que se torna descendente na primeira metade do ano 2017 e actualmente estase dando un leve descenso.

**Gráfico 5. Taxas de variación anual (%).
Ciclo tendencia**



Fonte: IGE. Elaboración propia

